

史記注補正
古今考
史漢駢枝
讀史漫筆



60757

Z121

1

:3722

史
記
注
補
正

方
苞
撰

中
華
書
局

叢書集成初編

史記注補正（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

史記注補正

此據史學叢書本
排印初編各叢書
僅有此本

史記注補正

桐城方苞撰

黃帝紀

萬國和而鬼神山川封禪與爲多焉。

與讀去聲。言與事爲多也。又或舉字之譌。周官師氏職。王舉則從。故書作與。亦謂王與事。死生之說。存亡之難。

世傳醫經。皆黃帝與岐伯問難語。存亡之難。疑卽謂此。

芴羅日月星辰水波土石金玉。

羅列也。芴羅謂紀日月星辰之綱次。辨水波土石金玉之性質。無不該徧也。

帝嚳紀

歷日月而迎送之。

歷。稽核而布列之也。屈子。歷情而陳辭。莊子。歷物之意。月令季冬。命宰歷卿大夫至於庶人。其服也士。

服。與尚書有服在大僚罔或者壽俊在厥服同義。上古四民不分。至帝嚳。則服用者。皆士人也。帝舜紀

爲匿空旁出。

舜於井中，爲可以自匿之空，而其空旁通，可上出也。

南撫交趾，北發西戎，析枝、渠廋、氏羌、北山戎，發息憤、東長、烏夷。索隱謂字缺少，非也。首以撫字該之，下方則直序其地，而西戎上不復重言其方耳。

禹本紀

聲爲律，身爲度，稱以出。

稱，稱量也。惟其聲之稱以出，故高下疾徐應律也。惟其身之稱以出，故動作威儀可度也。

周本紀

西伯蓋受命之年稱王。

文王無受命稱王之事。歐陽公、朱子辨之甚詳。太史公蓋據大雅有聲之詩，文王受命而誤爲此說也。其實伐崇、斷虞芮之訟，乃方伯之職，詩所謂受命，乃受方伯之命耳。其曰文王，則詩人所追稱，觀其於文王稱王后，於武王始稱皇王，卽此可證受命稱王之說爲妄矣。○王莽之篡，劉歆輩竄經誣聖以爲之徵，至增康誥篇首，謂周公稱王，或此篇亦爲所僞亂。今刪去之年稱王及改法度制正朔矣十一字，辭義相承，渾成無間。

我維顯服，及德方明。

顯服、與尙書自服于土中同義。言我思修明政事、當及我德方明、四方歸往之日、而大營土中、爲朝會之地也。

縱馬於華山之陽、放牛於桃林之墟。

馬牛本徵之井甸者、事畢縱釋之、使所司各驗受而還也。必於野外者、車徒至衆、非城邑所能容也。管仲素賞於秦、舟之野期軍士。

以存亡國宜告。

此隱括洪範而爲言也。絳殛禹、與存亡之迹也。九疇皆有國者所宜用也。

自爲賓欲代武王。

自爲賓、以身爲賓於神也。卽書所謂若爾三王、是有丕子之責于天、以旦代某之身也。

昔我先王世后稷。

世后稷、謂世爲農官也。

王御不參一族。

娶雖一國三女、而進御之夕、則不使一族之人偕、所以養其廉恥也。

旣筭而孕。

內則十有五年而筭。

所謂周公葬我畢，畢在鎮東南杜中。

忽出此語，以正舊傳之譌也。公欲葬畢，近文王之兆也。舊傳乃謂公欲葬成周，成王背公垂死之言而葬公於畢，謬悠極矣。

秦本紀

銘曰：帝令處父，不與殷亂，賜爾石槨，以華氏死。

蜚廉所自爲也。蓋雖報得石槨，而紂已死，無所用。故蜚廉以爲天實賜已，而竊言以欺世耳。

孟戲中衍。

索隱以爲二人，非也。果二人，則下其玄孫曰中涵，當爲何人之裔與？蓋一爲名，一爲號，而並舉之，猶遂族解郭翁伯之類。

是爲宅皋狼。

正義以孟增居皋狼而生衡父，非也。蓋宅皋狼，孟增別號耳。下皋狼生衡父，衡父生造父，則人而非地明矣。河西有皋狼縣，則以皋狼居之而得名耳。

惡來革者。

惡來其號而革其名，或惡來其名而革其號也。古有以一字爲號者，如張釋之字季是也。以女弟繆嬴爲幽王妻。

不曰后而妻。蓋夫人嬪婦之類。時秦僻陋。故史以妻書耳。

亦皆推鋒爭死。

推當作摧。摧鋒者乘勝之辭。時穆公見窘。晉師得雋。爭死以摧其鋒也。

并諸小鄉縣聚。

萬二千五百家。乃周官六鄉六遂之鄉。此并諸小鄉聚而爲縣。則非萬二千五百家之鄉。明矣。

伐楚取召陵。丹犁臣。

丹犁臣爲句。言二國臣屬於秦也。與下蜀相壯殺蜀侯來降。韓魏徐楚趙皆賓從。立文正相類。據正義。丹犁臣蜀爲句。則下云相壯。不知何國之相。且二國臣蜀。亦無爲載於秦史。

蜀相壯殺蜀侯來降。

據九年伐蜀滅之。十一年公子通封於蜀。則秦所立也。據此年蜀相壯殺蜀侯來降。則故蜀君也。史記多一事而異書。非自相抵牾。傳聞異辭。末由得其實。故並存而不廢。

薛文以金受免。

九年薛文來相秦。十年免。中間無金受相秦事。金受名別無所見。恐傳寫之誤。蓋薛文以受金免。而權

緩代相耳。

攻魏取垣。復予之。

正義魏以蒲坂爲垣，非也。果爾，則十七年不當書秦復以垣易蒲坂、皮氏矣。秦以垣易蒲坂、皮氏。

十五年攻魏取垣，索隱謂垣卽蒲坂也。復謂以垣易蒲坂、皮氏，其說自相矛盾。蓋垣亦魏邑，秦既取之，復以易魏之蒲坂、皮氏也。前書取垣復予之，而此書以垣易者，疆場之邑，一彼一此，攻奪無常，不可悉書。書以垣易，則復取垣於魏可知矣。猶前書取魏皮氏，而此書以垣易蒲坂、皮氏，則皮氏復爲魏取可知矣。

秦始皇本紀

百姓內粟千石，拜爵一級。

平準書民多買復及五大夫，徵發之士益鮮，則民納粟拜爵，求免徵發也。

發卒受地韓南陽，假守騰。

發卒受韓南陽地，而使內史騰爲假守也。

莫不如畫。

畫當音劃，與較若畫一之義同。

倫侯昌武侯成。

獨不具姓，疑秦之同姓也。

與議於海上。

嶧山碑頌尙簡直，無過諛之詞。此頌則妄言侮聖以駭其君，故備載與議者之名，以見其敢爲不義，不可沒也。

僕射周青臣頌曰：

尙書、左右攜僕，戴記射人師扶左，皆近臣而秦則合以名官也。

辨黑白而定一尊。

隱宮徒刑者七十餘萬人。

下隱宮及送徒作阿房者，共七十餘萬人也。○蔣西谷曰：玩上下文，不當插入下隱宮事，蓋隱括宮刑徒刑者七十餘萬人，分作阿房或作麗山也。

寫蜀荆地材皆至。

寫者移彼而置此也。曲禮：器之漑者不寫。○朱東御曰：寫之義當爲傾。詩曰：我心寫兮。諸生傳相告引，乃自除。

傳相告引他人，乃得自除已罪也。

使博士爲僊真人詩，及行所游天下，傳令樂人弦歌之。

及行所游天下，謂行游天下所歷之地，皆爲詩以紀之也。

飾省宣義。

飾、整齊也。卽下防隔內外。禁止佚淫也。省、考察也。卽察其爲寄殺逃嫁者。官讞示以殺之無罪。子不得母之義也。

人樂同則。

謂人喜法則之靈一也。

二世本紀

不稱始皇帝。其於久遠也。如後嗣爲之者。不稱成功盛德。

前稱平聲。金石刻詞。當始皇時止稱皇帝。今易世不稱始皇。則久遠之後。如後嗣爲之也。正義誤。後不稱成功盛德上聲。謂使人疑後嗣所爲。則不稱始皇之成功盛德也。

下調郡縣轉輸菽粟芻橐。皆令自齎糧食。

下。令調郡縣轉輸菽粟芻橐。以給當食者而轉輸之人。皆自齎糧。不得食咸陽三百里內穀也。此漕轉以給京師之始。古者甸服粟米穗秸。足以給官吏而不資於外。師行糗糧芻茭出於丘甸而不給於官。越境則資糧非屢供於與國而不資於內。經費所以常裕也。古法蠲減自秦始。而漢因之。征斂滋多。經費常乏。無制度之過也。

不穀于此。

莊子天下篇。其生也勤。其死也薄。其道太賡。注。無潤澤也。蓋粗薄之義。

囊括四海之勢。

坤六四。括囊。結其口而不出也。此文囊括。如囊之包括也。

九國之師。

上言六國。所稱皆齊楚燕趙韓魏之臣也。師言九國。宋、衛、中山。亦間以師從六國也。魚爛不可復全。

春秋梁亡傳。魚爛而亡。言自內潰也。

項羽紀

呂馬童面之。

以面向項王也。舊注誤。○蔣西谷曰。面與餽同。史記夏侯嬰傳。面擁樹馳。漢書張歐傳。爲涕泣面而封之。皆作背字解。

吾爲若德。

言我自頸使汝獻功受賞。是爲汝德也。

忍事不就。後秦種族其家。

種當作踵。謂隨而迹之也。

高祖紀

淮陰侯復乘之。

左傳車馳卒奔乘晉軍。蓋出其不意而摧鋒以蹙之。

縣隔千里。

言秦包河山之險。四封之內。壤地縣隔千里也。齊地二千里。故云縣隔千里之外。

呂后紀

高祖微時妃也。

戴記曲禮天子之妃曰后。衛風氓詩序。喪其妃耦。並音配。又戴記哀公問。妃以及妃。則知妃者通上下而言。義宜爲配也。

文帝紀

未有嚟志。

索隱嚟者不滿之意。與文義不協。戰國策齊桓公夜半不嚟。注嚟快也。漢書作恩。亦快足之意。

十一月望日又食。

日當作月。觀詔但言十一月晦。日有食之可見。并書月食者。以與日食同月也。景帝後二年十月。日月皆食。亦并書。

民或祝詛上以相約結而後相讓。

讓者告首以陷之也。

宮殿中當臨者皆以旦夕各十五舉聲。

詔曰母發人男女哭臨宮殿中當哭臨者謂羣臣命婦內外宗也而景帝遂自短喪期誤矣。

景帝紀

申屠嘉周亞夫皆以自卒書信乎此紀爲褚少孫所補也太史公實錄多直筆此類不宜曲諱。

三代世表

稽其歷譜牒。

十二諸侯年表序歷人取其年月譜牒獨紀世證則此稽歷與譜牒也。

于是以五帝繫牒尚書集世紀黃帝以來訖共和爲世表。

疑世紀亦古書名蓋五帝繫牒及尚書所載五帝三代事甚略故并集世紀中黃帝以來及和世次爲

表也。

六國年表

然世異變成功大。

昔秦取天下雖多暴然世變既與古異而秦混一海宇革古制法成功甚大。

傳曰法後王何也。

篇首太史公讀秦紀必秦紀傳中有秦制可法後王語故引而釋之也。漢興一遵秦制故曰以其近己而俗變相類議卑而易行也。

漢興諸侯年表

而內地北距山以東。

北當作比其外接胡越而內地比次距山以東也與下漢郡八九十形錯諸侯間犬牙相臨正對。

高祖功臣侯年表

居今之世志古之道所以自鏡也未必盡同帝王者各殊禮而異務要以成功爲統紀豈可繩乎。

漢武以列侯莫求從軍坐酎金失侯者百餘人遷不敢斥言其過故微詞以見義。自古之道篇於仁義以安勳舊而今任法刻削不同於古帝王殊禮異務各以自就其功緒豈可混而一之乎。刺武帝用一切之法以侵奪羣下而成其南誅北討之功也。

惠景間侯者年表

當世仁義成功之著也。

仁義之著謂追修高祖時遺功臣及諸侯子弟若肺腑外國歸義封者成功之著謂從代來及吳楚之勞。

禮書

洋洋美德乎。宰制萬物。役使羣衆。豈人力也哉。

言禮爲洋洋美德。其宰制萬物。役使羣衆。皆天理之自然。豈人力所強設哉。役使羣衆者。有禮而羣衆爲所運動也。

仲尼曰。禘自既灌而往者。吾不欲觀之矣。周衰。禮廢樂壞。大小相踰。管仲之家。兼備三歸。

於諸侯之僭。舉魯乘禮之國也。於大夫舉管仲賢大夫也。

雖不合聖制。其尊君抑臣。朝廷濟濟。依古以來。至于高祖。光有四海。叔孫通頗有所增益減損。大抵皆襲秦故。

秦人以私意背天理。故不合聖人制禮之意。其尊君抑臣。卽所謂不合聖制者。而儀法則依託於古。稱其朝廷濟濟。以漢襲秦故。故不敢斥言其非也。

樂書

於樂府習常肄舊而已。

叔孫通制宗廟樂舞。皆因秦舊。事詳見漢書禮樂志。

律書

以下生者。倍其實。三其法。以上生者。四其實。三其法。